



Cyfarfod:	Bwrdd Pensiwn
Dyddiad:	24/09/2019
Teitl:	Gweinyddiaeth Pensiynau
Awdur:	Meirion Jones, Rheolwr Pensiynau
Pwrpas:	Er gwybodaeth yn unig

Cyflwyniad

Mae'r adroddiad hwn yn darparu trosolwg cyffredinol o'r weinyddiaeth pensiwn dros y 6 mis diwethaf. Mae'n cynnwys gwybodaeth am y gwaith sydd wedi'i gyflawni dros y cyfnod, diweddariad ar amrywiol brosiectau y soniwyd amdanynt o'r blaen, a hefyd yn rhestru'r heriau y mae'r adran yn eu hwynebu o ddydd i ddydd.

Staffio

Yn dilyn cymeradwyo'r strwythur staffio newydd gan y Pwyllgor Pensiynau ym mis Ionawr 2019, mae gwaith wedi bod yn mynd rhagddo i benodi aelodau newydd o staff i ymuno â'r tîm.

Ers mis Ebrill rydym wedi bod yn llwyddiannus yn recriwtio 4 Cymhorthydd Pensiynau, Swyddog Systemau a Thechnegydd Systemau newydd. Mae pob aelod o staff wedi setlo'n dda i'w rolau ac ar hyn o bryd yn ymgymryd â hyfforddiant perthnasol.

Ar hyn o bryd mae Nicholas Hopkins, y Rheolwr presennol ar gyfnod o ymddeoliad hyblyg a bydd yn ymddeol yn llwyr o'r Cyngor ddiwedd mis Tachwedd 2019. Rydym yn ddiolchgar i Nick am ei holl waith caled a'i gyfeillgarwch dros y 37 mlynedd diwethaf ac yn dymuno'r gorau iddo ar gyfer y dyfodol. Penodwyd Merion Jones fel olynydd i Nick.

Prisiant

Un o'r prosiectau mawr ar gyfer 2019 yw'r prisiant.

Dros yr ychydig fisoedd diwethaf, mae gwaith wedi bod yn mynd rhagddo i ddiweddarau cofnodion aelodau ac i glirio cymaint o wallau â phosibl.

Mae Hymans Robertson wedi cymeradwyo'r data ddechrau mis Medi 2019 ac ar hyn o bryd maent yn brysur yn cyfrifo'r cyfraddau cyfrannu. Bydd canlyniadau drafft cyflogwyr a chyfraddau cyfraniadau yn cael eu rhyddhau i'r Gronfa ar 27/09/2019, gyda chyfarfod cyflogwr wedi'i drefnu ar gyfer 24/10/2019, lle bydd yr actiwari yn cyflwyno canlyniadau 2019 i'r cyflogwyr. Mae croeso i aelodau'r bwrdd fynychu'r cyfarfod hwn.

Datganiadau Buddion Blynnyddol

Rhaid cynhyrchu Datganiad Buddion Blynnyddol ar gyfer pob aelod o'r cynllun erbyn diwedd mis Awst bob blwyddyn. Mae'r datganiad hwn yn rhoi manylion i aelodau o'r buddion a gronnwyd hyd at ddiwedd y flwyddyn ariannol flaenorol ac yn rhagweld y buddion sy'n daladwy ar eu Hoedran Pensiwn Arferol. Mae'r datganiad hefyd yn cynnwys manylion tâl a nodiadau esboniadol ynghylch sut mae'r buddion yn cael eu cyfrif.

Ers 2018 mae'r datganiadau hyn ar gael yn electronig ar adran Hunan Wasanaeth Aelodau ein gwefan. Llwythwyd datganiadau 2019 ar y system ar gyfer aelodau actif a gohiriedig ar 16/08/2019.

Mae 1,050 o aelodau wedi ysgrifennu i mewn i gadarnhau eu bod am barhau i dderbyn copi papur o'u datganiadau. Anfonwyd y datganiadau hyn ar 17/08/2019.

Hyfforddiant

Yn ddiweddar, mae tri aelod o staff wedi cwblhau cwrs Tystysgrif Gweinyddiaeth Pensiynau Sefydliad Siartredig y Gweithwyr Cyflogres Broffesiynol (CIPP). Roedd y cwrs hwn yn cynnwys cwblhau chwe aseiniad ac un arholiad.

Yn ddiweddar, mae pedwar aelod o staff wedi dechrau astudio tuag at Radd Sylfaen mewn Gweinyddu a Rheoli Pensiynau. Mae'r radd sylfaen yn gymysgedd o aseiniadau ac arholiadau a bydd yn cymryd 2 flynedd i'w chwblhau.

Mae sesiwn hyfforddi diwrnod llawn ar Ddeall Cyfuno Cofnodion wedi'i threfnu ar gyfer holl staff yr adran bensiwn ar 29 Medi 2019. Bydd Mr Karl White o'r LGA yn cyflwyno'r sesiwn hyfforddi hon yng Nghaernarfon.

Cynnydd Pensiwn 2019

Y Mynegai Prisiau Defnyddwyr ar gyfer Medi 2018 oedd 2.4%. Hwn oedd y ffigur a ddefnyddiwyd ym mis Ebrill 2019 i gynyddu taliadau pensiwn ein pensiwnwyr a'n buddion gohiriedig.

Anfonwyd llythyr ym mis Ebrill at ein holl bensiwnwyr i'w hysbysu o werth newydd eu pensiwn a'r dyddiadau talu ar gyfer 2019/20.

Gwefan Hunan Wasanaeth Aelodau

Y gobaith oedd y byddai'r wefan Hunan Wasanaeth Aelod (HWA) newydd yn fyw erbyn hyn. Yn anffodus, oherwydd ymddiswyddiad y Swyddog Systemau yn gynharach eleni, ataliwyd y gwaith ar y broses hon am y tro.

Fodd bynnag, rwy'n falch o adrodd bod y contract i osod gwefan newydd yr HWA wedi'i lofnodi yn ddiweddar a bydd y wefan yn cael ei chyflwyno cyn gynted â phosibl. Bydd arddangosiad o'r system newydd yn cael ei ddarparu i'r Bwrdd mewn cyfarfod yn y dyfodol.

Dylai'r wefan newydd roi gwell profiad ar-lein i'n haelodau, gyda rhyngwyneb haws ei ddefnyddio a mwy deniadol. Mae'r system HWA yn caniatáu i aelodau:

- Gweld a diweddarau manylion personol a newidiadau cyfeiriad
- Darganfod faint y byddant yn ei dderbyn wrth ymddeol
- Cyfrifo'r lwmp swm ychwanegol y gallant ei gymryd wrth ymddeol
- Gweld hanes eu gwasanaeth, gan gynnwys unrhyw wasanaeth sydd wedi'i drosglwyddo
- Gweld a diweddarau eu buddiolwyr enwebedig
- Gweld eu Datganiadau Buddion Blynnyddol

i-Connect

Mae gwaith wedi bod yn mynd rhagddo i annog cyflogwyr i ddefnyddio'r system i-Connect.

Mae I-Connect yn sicrhau bod cofnodion aelodau yn cael eu diweddarau bob mis, yn hytrach nag unwaith y flwyddyn fel ar hyn o bryd. Mae'r system hefyd yn awtomeiddio nifer o weithdrefnau yn yr adran ac felly'n rhyddhau staff i fynd i'r afael â dyletswyddau eraill yn yr adran.

Ar hyn o bryd mae 85% o'r cyflogwyr yn defnyddio'r system i-Connect yn fisol, gyda gwaith yn parhau i symud y 5 prif gyflogwr i'r system yn 2019/20 - Cynhaliwyd cyfarfodydd yn ddiweddar i drafod y ffordd ymlaen.

Y gobaith yw y bydd y broses paru aelodau yn cychwyn yn fuan gyda Chyngor Gwynedd.

Adroddiad Diwedd Flwyddyn

Oherwydd symud drosodd i'r system i-Connect nid oedd yn ofynnol i lawer o gyflogwyr gyflwyno manylion diwedd flwyddyn eleni trwy daenlen Excel.

Gosodwyd dyddiad cyflwyno o 30 Ebrill 2019 ar gyfer cyflwyno'r data. Ar y cyfan, roedd y cyflogwyr yn gallu cwrdd â'r dyddiad cau hwn, gydag un cyflogwr yn cael estyniad o wythnos.

Roedd ansawdd y data eleni yn uchel iawn, gyda nifer fach o ymholiadau yn cael eu hanfon yn ôl at rai cyflogwyr i gael eglurhad.

Rydym yn ddiolchgar i'r cyflogwyr am eu cymorth i gyflenwi data cywir ac amserol er mwyn cwrdd â'r terfynau amser amrywiol o ran darparu manylion ar gyfer y prisiant a chyhoeddi'r datganiadau buddion blynyddol.